



27. september 2011

Inatsisartut suleriaasianni § 37 naapertorlugu Naalakkersuisunut apeqqutit imaattut saqqummiup-pakka:

Naalakkersuisunut apeqqutit:

- 1) **Kalaallit Nunaanni aaqqissuussaasumik ataavartumillu radiup qinngornerinik uuttortaasoqarluniluunniit nalunaarsuisoqartarpa? Matumani imartaq, nuna silaannarlu pineqarput.**
- 2) **Kalaallit Nunaat aniasoornermut atatillugu kalerreeqatigiinnissamik Kalaallit Nunaataluunniit eqqaani atortunik radio qinngornerinik imaqartunik assartuineranut atatillugu paasissutisseeqatigiinnissamik isumaqatigiissuteqarnerisq pillugu Naalakkersuisut paasissutissiinissaat kissaatigaara.**
- 3) **Kalaallit Nunaanni Kalaallit Nunaataluunniit eqqaani atortussianik radiop qinngornerinik imaqartunik nalunaarsuutit Naalakkersuisut naammaginartippaat, tassunga ilanngullugit kalerreeqatigiinnissamut isumaqatigiissutit?**

(Kim Kielsen, Siumut)

Tungavilersuut:

Ukioq manna Japanimi oqaluttuarisaanermi nunap sajunnerisa sakkortunerpaat ilaat pivoq, taannalu qarsutsinersuarmik aammalu Fukushima atomip nukinganik nukissiorfimmit radiup qinngornerinik ulorianartunik aniasoornermik pisoqarpoq; taamatuttaaq Tuluut Nunaanni atomip nukinganik suliarinniffimmit Sellafield-imit ukiuni arlalinni Det Irske Hav-imut radiup qinngornerinik akulinnik aniatitsisoqartarnerata kingunerisaanik Norgip kitaata imartaani radiup qinngornerinik peqartoqarnera uuttorneqarsinnaasarsimavoq. Imartanut aniatitsinerit taakku maanna unitsinneqarsimalerput, taamaattorli Norgimit Islandimillu qinngornerit ulorianartut taakku Sellafield-imi radiup qinngornerinik atortut uninngasuutit silaannarmut anialissappata silaannakkut Atlantikorsuup avannaanut siaruaannissaat aarleqqutigineqarpoq.

Apeqqutima akineqarnissaat qilanaaraara, tamannalu apeqqutip tiguneqarnerata kingorna ullut suliffiusut qulit qaangiutsinnagit pinissaa kissaatigalugu.